

# Zitellettu

Zitellettu stami a sente  
Tù chi veni in questu mondu  
Tù chi veni in sperendu  
D'esse un ghjornu vagabondu.

Zitellettu senza gioia  
Quandu traversi le stelle  
Zitellettu senza gloria  
A l'incontru di stu mondu.

Truverai un acellucciu  
Truverai un fratellucciu  
Chi ti stringhjera la manu  
Chi ti portera luntanu.

Luntanu di li to guai  
Luntanu di to affani  
Piu vicinu di a salvezza  
Serà la to' sola ricchezza.

Canterai pè' issa sponde  
Traversendu le muntagne  
Trimulendu cume l'onde  
Ballerai le to cucagne.

Zitellettu in armonia  
Sè tu canti in poesia  
D'un versu sempre felice  
Chi guarisce tante ferite.

Zitellettu in la natura  
Duve'lu c'hè poca bughjura  
Scobrerai la bellezza  
Camperai senza amarezza.

Di ritornu in questu mondu

U to sognu serà compiu  
Faccia a la realità  
Lutterai per campà.